

一隻驢仔的故事

作者: cyrilus0614

Powered by [紙言](#)

《第一章》

大家好，我個名叫做阿明，我係一隻驢仔。

我細細個就同媽咪一齊住係耶路撒冷嘅一個農場入面，平時媽咪要幫係農場入面嘅農夫手去拉磨，有陣時會做交通工具，幫手載一啲人去某啲地方。

之後有一日，我嘅主人帶咗佢Friend叫Joseph，之後我主人同我講：「阿明，呢個係我個Friend叫Joseph，佢想你載佢同埋佢老婆Mary一齊返鄉下，因為佢哋收到Order要返去佢哋自己嘅鄉下嗰度做人口普查，而且Mary仲要係有咗BB幾個月。」

我就一口答應咗呢個請求。

之後，Mary就坐喺我個背脊上，而Joseph就帶着我去佢哋嘅目的地，當我哋到達目的地嘅時候，而家差唔多夜晚八點幾，Mary突然之間穿咗羊水，所以Joseph就即刻要搵間地方俾Mary生BB，但問題係間間酒店都冇晒位，所以Joseph就帶着我哋去咗個地方，嗰度好似我屋企一樣，係一個農場，之後Mary就喺嗰度生咗個BB仔，然後佢將呢個BB仔放喺一個馬槽上面。過咗冇幾耐，我見到有三個人，騎着駱駝走咗入嚟，佢哋話見到一粒星帶領佢哋嚟到呢度，之後呢三個月就係個馬槽前面跪低，好似朝拜緊個BB，只有呢三個人分別送咗三份禮物比Joseph同Mary，分別係黃金、乳香同埋沒藥。又隔咗一陣，我有見到幾位牧羊人嚟咗，佢哋話見到一班天使，天使話今晚有位新生王出世，放咗喺馬槽上面。

幾日後，Joseph突然之間叫醒左我，叫我帶Mary同埋個BB一齊去埃及，佢冇講原因，之後我就快快手帶佢哋去埃及，我事後先至知原來有人想隊冧個BB，隔咗大約兩個月之後，Joseph就叫我帶佢哋返去一座小鎮叫做納匝肋，之後我個任務就完成咗，我就返咗去我自己嘅屋企嗰度，抖左幾日就開始繼續返我嘅工作。

《第二章》

好多年之後，有一日我喺度做緊嘢嘅時候，突然之間有兩個人同我主人講話想請我載佢哋所謂嘅師傅入城，我聽完之後就答應咗呢個請求，之後嗰兩個人就帶我去見佢哋嘅「師傅」，我第一眼見到呢「師傅」係一個大約30幾歲嘅鬍鬚佬，我就當然例牌介紹我自己先啦：「Hi，我個名叫做阿明啊。」嗰位「師傅」就同我講：「阿明你好，我叫做耶穌呀，好高興認識你呀！今日真係辛苦你啦，要你騎着我入去耶路撒冷城。」

「冇所謂啦，只要服務到你我就開心啦！」

之後我就載着佢入去耶路撒冷城，沿途之中我見到好多群眾喺度歡迎佢，好似係到歡迎緊一個皇帝入城一樣，當時個場面真係非常之墟口。行咗冇幾耐之後，我哋成村人就停低，因為耶穌佢已經到達佢嘅目的地，最後佢吩咐佢啲門徒請我食咗少少嘢之後，就帶咗我返我自己屋企。

其實我點都估唔到，呢一位「耶穌」就係我好多年前曾經載過Mary同Joseph嘅仔，亦即係嗰位BB仔。

《第三章 - 大結局》

幾個月之前，我開始發現我自己嘅身體出現咗一啲毛病，包括唔可以長時間行路，直到前幾日，我做做下野嘅時候，突然之間暈低咗，之後我一醒返嘅時候，主人就同我講話我因為多年來嘅工作而積勞成疾，再加上我已經年老了，係時候要退下。

之後我就抖左幾日，但係我身體仲未有好轉，反而我嘅情況急轉直下，我已經起唔到身，當時我就同自己講：「我係咪就嚟死啦？」之後突然之間個人好劫，想馴一陣間...

我一起身嘅時候，我眼前見到一個人，呢個人就係多年前騎喺我背脊上面進入耶路撒冷城嘅耶穌。

我就同佢講：「咦，耶穌，好耐冇見喎，點解你喺度嘅？」

耶穌話：「阿明，呢度係天堂啊。」

我話：「天堂？我係咪死咗呀？」

耶穌話：「係呀。」

當時我仲未接受到現實，我原來已經係死咗，嗰時我就開始擔心，我主人一定會好傷心。

跟住耶穌就同我講：「阿明，你唔使擔心，你主人知道你已經上咗天堂，一定會好開心，因為你生前服務過好多人，包括我同埋我阿爸阿媽。」

之後我就話：「我曾經服務過你阿爸阿媽咩？」

耶穌話：「係呀，當我仲未出世嘅時候，你已經帶我阿爸阿媽去白冷城嗰度。」

跟住話口未完，Mary同Joseph就一齊出現喺我面前。

Mary同Joseph就同我講：「阿明，多謝你呀，你已經完成你嘅任務啦，你可以好好咁休息啦！」

當刻我爭啲喊出嚟。

之後耶穌話：「雖然有好多人嘅驢仔係一種好低等嘅動物，但對我來講，你係至尊無瑕疵嘅，我自己都好榮幸可以騎喺你背脊上面！」

最後我就好開心咁同耶穌同埋佢阿爸阿媽一齊，喺天堂入面開開心心咁生活。